



類說目錄卷之二十三

博物志

崑崙山五色水

地以石為骨

物性

山澤氣

和氣所生

姪娘避忌

生男法

取火

胎生卵生

守宮

續絃膠

常山之蛇

吳餘鱸

練石斷鰲

后稷伊尹

千日酒

染髭法

積油生

養生法

野葛

客星犯牛斗

殺長子

上藥中藥下藥

黃帝諸臣

寶劍

指佞草

天孫

蒿官

山雞

著

寶器

三人冒霧

食鵠

駝知泉脉

猴獯名馬化

雲漠圖

太陽之草

虎僕毛

河精

諸物相似者

遠志

日月食

續博物志

天可倚杵

春雲秋風

喬雲

墨兵

金條玉科

兔目

子規黃鳥

毛席氈鄉

容成侯

大宅虎圍

鳩車竹馬

猊唐

金折

壺郎

清盧

天心月脇

澤鶴

文王四乳

鳩杖

九寡

陽馬

八極

畫妖

物類相感志

靈夔

楓人

金銀汗

陰陽石

仙漿

九豫章

投酒於川

鼠重萬斤

嫁茄

觀日玉

玉火

香雲香雨

麝枕

龍鬢拂

樹化駕脊雨

蠲分犀

琴幕

宣室志

止戈龍

千年仙鹿

玉清三寶

見蝦蟇

柳將軍

錦半臂

紙月

架梯取月

月圍白瑤宮

諸葛後身

平生當食萬羊

夢捧日

虹蜺天使

韓退之見神人

白衣吟

月下聯句

曹唐詩

黑龍甲中出

黃衣婦人乞命

玄陰池

滑水珠

鱗鱗

玉龍膏

居士金精

稚川真君

已酉平蔡

七聖畫

謝翱詩

甌杵為妖

類說目錄卷之二十三

類說卷之二十三

宋温陵曾

造編

明新野馬之騏叅閱

山陽岳鍾秀正

博物志

崑崙山五色水

地南北三億三萬五千里地形高大者有崑崙山出五色水流入中國名曰河地下有四

柱三千六百軸犬牙相牽

地以石為骨

川為脉草木為毛土為肉

石者金之根

物恠

水石之恠曰龍罔象木之恠曰夔魍魎土之恠為殯羊火之恠為宋無忌

山澤氣

王山多雲鐵山多石山氣多男澤氣多女

和氣所生

和氣相感而生朱草山出象車澤出神馬陵出黑丹阜出土恠江出大貝海出明珠人主

壽昌天下太平

妊娠避忌

婦人妊娠不欲見醜惡物食當避異常味不可見兔令兒唇缺不可啖姜令兒多指

生男法

婦人妊娠未滿三月著婿衣冠平旦左遠三井匝勿反顧勿令人知必生男

取火

削木令圓舉以向日以艾承其影則得火

胎生卵生

九竅者胎生八竅者卵生

守宮

蜥蜴或名蝮蜒用器養之以朱砂體盡赤所食滿十斤搗萬杵點女人支體終身不滅唯房室事則滅故號守宮東方朔奏武帝用之有驗鼠食巴豆三年重三十斤

續絃膠

漢武帝時西海有獻膠者以注斷絃名曰續

絃膠

常山之蛇

有兩頭觸其一頭一頭至觸其中則兩頭俱至孫武以喻善用兵者

吳餘鱠

吳王江行食鱠不盡棄其餘中流化為魚其長數寸名吳餘鱠

煉石斷鰲

天地初不足故女媧煉五色石以補其缺斷

齧足以絕地維故天傾西北地不滿東南

后稷伊尹

思士不妻而感思女不夫而孕后稷生乎巨跡伊尹生乎空桑

千日酒

劉玄石於中山酒家沽酒酒家與千日酒忘言其節度歸至家醉而家以爲死葬之酒家計千日滿往視之云亡已三年於是開棺始醒俗云玄石飲酒一醉千日

染髭法

胡粉石灰以水和之塗髭鬢不白

積油生火

積油萬石自然生火秦時武庫火積油所也

養生法

皇甫隆遇青牛道士封君達云體欲常少勞無過食去肥濃節酸醎絕思慮損喜怒慎房室

野葛

食之殺人家葛種之三年不收後旅生亦不

可食

客星犯斗牛

有居海濱者每年八月見浮槎過甚大俟其復來裹糧而登行十餘日忽至一處有城廓廬舍中多織婦見一丈夫牽牛飲水此人問是何處答曰君還問嚴君平則知之後問君平曰某年月日客星犯斗牛始知乃天河也

殺長子

越之東有較木之國其俗生長子則殺之名宜弟

上藥中藥下藥

上藥養命謂五石鍊形六芝延年也中藥養性謂合歡蠲忿萱草忘憂也下藥除病謂大黃除實當歸止痛也

黃帝諸臣

祝融造市高辛臣也蚩尤造兵炎帝臣也揮造弧牟造矢倉頡造書容成造曆伶倫造

律隸首造數皆黃帝臣也儀狄造酒禹時人
綿駒善歌齊人

寶劍

名純鈞湛盧豪曹魚腸巨闕五者皆歐冶子
所鑄

指佞草

堯時有屈軼草生於庭佞人入朝則屈而指
之又名指佞草

天孫

泰山神曰天孫天帝之孫也王召人魂魄

蒿宮

周德澤盛蒿大可為柱名曰蒿宮

山雞

自愛其色終日映水目眩則溺死

著

一千歲而三百莖故知吉凶

寶鼎

繁弱之弓屈盧之矛鷄子之努孤父之戈皆

古之寶器

三人冒霧

昔有三人同冒霧一人病一人無故一人死無故者飲酒病者吃飯死者空腸

食螭

荒年食螭半斤支十日飢

駝知泉脉

燉煌西渡流沙千里無水沙下伏流惟駝知之每至泉脉則以足跑地掘之必得水

猴獯名馬化

蜀西南山中有物似猴長尺餘能人行名曰猴獯又名馬化行路遇婦人輒盜去以爲匹偶無子終不還有子輒送其家不養其子母輒死其子既長悉與人同皆以楊爲姓故蜀之西界多姓楊往往往馬化之子孫

雲漢圖

劉褒漢桓帝時人畫雲漢圖見者皆熱又畫北風圖見者皆寒

太陽之草

天老曰太陽之草服之長生卽黃精也

虎撲毛

羽氏國人有翼飛不遠有獸綠毛似豹毛可作筆名虎撲毛

河精

夏禹行河見長人魚身曰我河精也

諸物相似者

魏文帝記諸物相似亂真者砥砭惟石似美

玉蛇牀亂藤蕪莽茺亂人參雌黃似石硫黃
杜衡亂細辛百步似門冬防葵似狼毒
遠志

苗曰小草芳鬱苗曰江籬

日食麒麟

麒麟闔而日月食鯨魚死而彗星出嬰兒號
而母乳出蚕珥絲而商絃絕

續博物志

林登

天河倚杵

河圖記曰百代之後地高天下千代之後天可倚杵

春雲秋風

仲長統曰春雲爲興秋風爲駟

商雲

京房易占曰雲二色曰商瑞雲也荀卿言雲

友風子雨

墨兵

孫樵謂史書曰墨兵

金條玉科

楊雄謂刑法曰金條玉科

兔目

魏生五日曰兔目十日曰鼠耳葉如此也

子規黃鳥

高堂賦子規一曰姊歸討流幽州方言黃鳥

曰黃鸞

毛席氈鄉

類說

卷之二十三

九

後漢西域傳註羶曰毛席劉孝儀謂狄羶鄉

容城侯

司空圖謂鏡曰容成侯金炯又曰壽光先生
大宅虎圍

枚叔總稱面曰大宅眉目間曰青陽王元長
謂國子學曰虎圍

鳩車竹馬

續漢儀賜老人杖杖端刻鳩取其不噎

九寡

七發云孤子之鈞以爲軫九寡之珥以爲徽
取孤寡之物以裝琴要有悲聲九寡者九爲
寡婦也

陽馬

何平叔謂屋角梁曰陽馬

八極

鄒子曰中國者天下八十分之一有海環之

如此者九又有大瀛海環之總曰八極

晝妖

後魏元北能行治病有軍士女爲物所憑兆曰天下有至神之妖有至靈之妖有在陸之精在水之魅以法治之乃黃化寺壁畫鬼崇物類相感志

靈夔

黃帝以靈夔爲鼓聲百里

楓人

嶺南多楓遇雷則瘦長三五尺如人狀謂之楓人

金出汗

凡山石盛夏必汗出赤黃金汗白而紫者

銀汗

陰陽石

夷陵有陰陽石陰石常潤陽石常燥旱則鞭陰石必雨雨久鞭陽石則止

仙漿

類說

拘樓國有水仙樹腹中有水謂之漿飲者十日醉

九豫章

東方有九豫章一樹王一州上有九力士執斧伐之以占九州吉凶行斫行復復遲者州伯病不復者州滅亡

投酒於川

越勾踐出行有獻酒一壺者王曰吾獨飲若三軍何乃投於川命一軍飲之皆沾醉

鼠重萬斤

北方有層水厚百丈有鼠在土中食冰不食草木重萬斤

嫁茄

茄子樹開花時取葉布於過路以灰圍之結子加倍謂之嫁茄

觀日玉

大如八寸鏡映日觀見日中宮殿曰日玉火玉唐東夷所貢色赤長如寸積之可以燃鼎置

類記 卷之二十三

之室中不復挾纊

香雲香雨

員嶠爛石燒之煙為香雲徧空則下香雨

麝枕

置麝枕中可絕惡夢

龍鬚拂

元載得龍鬚拂置之堂室蚊蚋不敢入

樹化鴛鴦

宋韓朋妻美康王奪之妻自殺王埋之經宿

生樹支體相交王欲伐之化為鴛鴦飛去

蠲忿犀

唐公主有犀如彈丸帶之能蠲忿

琴幕

唐懿宗賜公主琴幕紋如碧絲貫以真珠雖

暴雨不濡

宣室志

止戈龍

上元初冠天師嘗言止戈龍意謂武后

類記

卷之二十三

七

也

千年仙鹿

明皇狩近郊射中大鹿張果曰千年仙鹿也
漢武時有生獲此鹿者帝活之且命以銅牌
識其年月果於左角上得二小牌

玉清三寶

常弇夢游玉清宮玉清女遺以三寶曰一瑤
杯二曰紅麩枕三曰紫玉函

見蝦蟇

李揆未相前忽見一大蝦蟇小鳳占之曰蝦蟇天
使吉兆也未幾拜相

柳將軍

有人於古宅遇柳將軍驗之乃一株枯柳

錦半臂

竇參爲御史中丞夢德宗以文錦半臂賜之
解者曰半臂者股肱之衣也公其居股肱之
位乎後數日果拜相

紙月

類說

卷之二十三

七

楊晦之謁王先生先生令其女刻紙狀今宵
之月施于垣上是夕光自東垣發洞照一室
八月十二夜也晦之將去先生以杖畫地視
其庭懸崖萬仞有積水崑谷重疊先生曰陵
谷變遷吾子安所歸乎晦之泣告曰誠不知
一日有桑田之變豈仙都瞬息而塵世已千
年乎先生笑曰子無懼吾以爲娛耳於是持
篲掃其庭有頃如舊晦之乃歸

架梯取月

大和中周生有道術方中秋月色澄堂有數
客來周曰我能挈月入懷袖因取數百筋繩
而架之曰我將此梯取月乃閉戶久之客步
庭中伺焉或天地曠黑仰視又無纖雲俄聞
生呼曰某至矣舉其衣出月寸許一室盡明
寒入肌骨食頃如初

月圃白瑤宮

李賀卒母夢賀曰上帝神仙之君也近遷都
月圃建白瑤宮以某業於詔召與王士數輩

共爲新宮記帝又作凝虛殿使某業纂樂章
今爲神仙中人甚樂願夫人無以爲念
諸葛後身

韋臯生一月有胡僧見之曰別久得無恙乎
嬰兒若有喜色衆問其故僧曰此子乃諸葛
武侯之後身

平生當食萬羊

李德裕嘗有一僧曰公當萬里南行期在旬
日公曰且然果遂還乎僧曰當還公訊其事

曰相公平生當食萬羊今所食九千五百矣
所以還者未盡五百羊耳公曰吾頃夢行晉
山山上盡皆羊有牧者曰此御史平生所食
羊也果符師之說後數日振武節度朱暨致
書饋四百羊公大驚僧歎曰萬羊將滿其不
還乎旬日貶湖州連貶崖州竟沒於貶所

夢捧日

楊炎少時夢陟高山仰視瑞日紅光赫然因
舉左右手以捧之後登相位果協捧日之祥

虹蜺天使

韋臯鎮蜀宴客西亭暴風雨俄頃而霽有虹
蜺自空而下垂首筵上吸其飲食且盡其首
似驢五色若霞公懼罷宴小尹豆盧署曰虹
蜺天使也降於邪則爲戾降於正則爲祥公
正人也某敢以賀旬且拜中書令

韓退之見神人

慶四年冬韓退之卧疾見一神人被甲仗
劒長丈餘立于榻前曰吾有金革事將與卿

圖之公曰願聞神人曰威粹骨絕國世與韓
爲仇今欲討之力又不足卿以爲何如對曰
臣願從大王討之神人領而去乃歎曰是何
祥也凡數日窮其理不能究至冬公薨

白衣吟

華山月夜有白衣丈夫循澗水吟曰澗水潺
潺聲不絕溪隴茫茫野花發自去自來人不
知歸時常對空山月

月夜聯句

梁璟居商山旅館時中秋月朗見三丈夫稱
蕭中郎王步兵諸葛長史與璟坐庭中呼其
僮曰玉山人取酒共酌聯句步兵曰秋月團
如鏡中郎曰秋風利似刀璟曰秋雲輕若絮
長史嘿然二人促曰幸以拙速爲事長史沉
吟曰秋草細同毛二人大笑曰拙則拙矣何
乃遲乎長史曰中郎爲僻韻而滯捷才中郎
又命玉山召蕙娘佐酒頃之一美人至長史
戲曰女郎自赴中郎召耳美人曰安知不爲

衆來乃歌鳳樓之曲中郎又曰山樹高高影
步兵曰山花寂寂香因指謂向者僻韻信中
郎過今願續此以觀捷才長史卽曰山天遙
歷歷一坐大笑曰遲不能巧速而且拙捷如
是耶璟曰山水急湯湯中郎曰孝廉安知爲
詩哉璟發怒震聲叱之坐中客驚遠失所在

曹唐詩

進士曹唐以能詩名世嘗得句云水底有天
春寂寂人間無路月茫茫忽見衣素婦人閑

治徐步吟賞此句數日唐卒

黑龍甲中出

宣律師

忽覺手如火燎之狀師

驚曰汝水族也何爲潛於此乎卽伸臂誦呪已而震霆擊指甲有一黑龍自甲中出初甚小俄長丈餘火鬣電眸攫空而去

黃衣婦人乞命

柳宗元爲永州司戶至荆門驛舍夢黃衣婦人曰某之命若敗縷之懸風危危將斷且飄

矣君能活之戴恩何地明日荆師召食以夢話召吏訊之曰前一日漁人網獲一巨黃鱗將爲膳今已斷首遂命投江中是夕夢前婦人來而亡其首

玄陰池

有人見群僧浴水中問之曰此玄陰池也又曰擅越可聽吾徒之梵音於是合聲而噪乃羣蛙也

清水珠

馮翊嚴生嘗得一石狀若彈丸後有胡人願以錢三十萬易之曰此吾西國至寶名曰清木珠自亡此國之井泉盡濁國人俱病故我越海踰山來中夏求之卽以珠投濁水澹然清徹

蟻螬

蟻螬嘗化一白衣美丈夫自言齊人曹氏子

玉龍膏

安南有玉龍膏南人用之能化銀液說者曰

此膏若持北來則禍及韓約都護安南得膏持歸是歲京師亂約以附鄭注族誅

居士金精

韋思玄求鍊金之術一日有居士辛銳來謂病癱潰血且甚韋方會食居士溺於筵上客怒皆起銳亦告去忽不見回視其溺乃紫金液光采粲然客有解者曰居士金精也驗其名氏信矣

稚川真君

僧契虛游稚川山頂有宮闕在雲物之外殿
上有 簪冕者曰稚川真君真君問曰爾絕
三彭之仇乎契不能對真君曰不可留此
已酉平蔡

元和初裴晉公征吳元濟至境上因發地得
石刻有鷄未肥酒未熟之語解者曰鷄未肥
無肉也肥去肉爲已酒未熟無水也酒去水
爲酉破賊其在已酉乎後平蔡果以是日入
城

七聖畫

雲光寺有聖畫殿長安謂之七聖畫初制殿
宇有少年詣寺曰某弟兄七人善畫願輸工
僧許之七人持綵繪至戒云七日慎勿啓門
僧從其語凡六日闐然無聞意其爲恠遂發
其 封忽有七鶴望空飛去綵繪儼在西隅
唯西北未竟後畫工見之驚曰神娘筆也

謝翱詩

云斜月照人今夜夢落花啼動去年春又云

愁態上眉深黛綠淚痕侵臉落花紅
甌杵爲妖

建中未獨狐彥者泊舟淮泗步月至佛寺有
二丈夫一人身長黑衣稱姓甲名侵計第五
一人身短青衣姓曾名元黑衣者曰吾之先
本盧氏少以剛勁聞凡物有滯而不可通者必
侵犯以計忤之時皆謂我侵計後遇仇易姓
甲氏以逃患吾素精藥術而升降上下卽假
手於人吾有舅氏起居未嘗不俱曾元曰吾

陶唐氏之後也受姓於姚曾者其子孫以字
爲氏故謂曾氏吾素褊噪負氣凌上遭下流
沸騰之謗吾賦性堅正赴湯蹈火調人之急
語未卒寺僧歸二人馳去不見彥乃悟曰曾
元豈非甌乎文以瓦附曾甌字也名元者以
瓦中之畫致瓦字之上甲侵計者豈非鈇杵
乎以午附木杵字也甲者東方甲乙木也第
五者亦假午字也侵計者反語金截截附金鐵
字也總而辨焉得非甌及鈇杵耶明日果於

積壤中得一鉄杵又一甌

類說卷之二十三

類說目錄卷之二十四

博異志

師曠第七鏡

道士得仙

天桂山梯仙國

舞袖弓彎

海龍王女

獨異志

商較卿相

剖魚腹得刀

衆花之精

上清童子

巴陵鬼詩

胡二姊

類異志

人魚

天上碧玉樓觀

括異志

南岳赤腳仙人

會聖宮見羽衛

曹門好

醴泉觀

僕射廳

金甲神人叱醫丁

汗脚襪

彈鴟

龍首山人

鬼手書草字

毋死後歸

正郎鼻

大驚放生

道士奏章

芙蓉館主

張酒酒城隍廟求嗣

費孝先篋圍

賊濫取斬

龜恠

屠猪剖羊

許偏頭

誤食厭物

湖中見舡

得父石誌

茅處士叱鬼

截豕一耳

段穀狂吟

類說目錄卷之二十四

類說

卷之二十四目錄

二

類說卷之二十四

類說卷之二十四

宋温陵曾慥編

明新野馬之騏叅關

山陽岳鍾秀訂正

博異志 谷神子纂

習識談妖其來久矣因尋往事輒議徧題
粗顯箴規但資笑語只同求已何必標名是
稱谷神子

師曠第七鏡

天寶中陳仲躬居洛陽清化里有大井好溺

類說

卷之二十四

一

人一日有敬元穎請謁飾鉛粉衣緋綠衣曰
此井有毒龍自漢居此井緣與太乙左右侍
龍相得每相蒙蔽好食人血自漢以來殺三
千七百人矣某爲龍所驅使爲妖惑誘人共
食昨夜已朝太乙兼河南 勘責數日方
迴君命匠淘之則脫難矣願終君一生承奉
無所不致仲躬命匠入井獲古銅鏡夜見元
穎謝曰某本師曠所鑄十二鏡中第七者貞
觀中爲許敬宗所墮爲毒龍所役幸遇君子

重見人間明日望君移宅自此不復見影矣
明日牙人來請移居大小價類一如清 化
者且云價直契書並交割訖後三日舊井崩
堂隍陷仲躬後有所湏皆如移宅之效其鏡
背科斗書曰維晉新公二年七月七日午時
首陽山白龍潭鑄於鼻題云夷剗之鏡
剖魚腹得刀

開元中王昌齡舟行至馬當山使風不能駐
命賚酒脯糲馬上大王草履子上夫人詩曰

崑崙一面望中 牽奉上天王不取錢只爲猛
風波浪驟莫恠昌齡不下船時有金錯刀貯
履內誤將往忽有赤鱗入舟昌齡命烹之割
腹獲刀歎曰葛仙公命魚送書古人剖鯉得
素頗同也

道士得仙

緱氏仙鶴觀道士皆精專法錄每年九月三
日有一道士得仙至其夜皆不扃戶以求飛
昇張竭忠爲縣令使勇者覘之見一黑虎入
觀銜出一道士而去至明並不得仙者竭忠
大獵格殺數虎或金簡玉錄或冠帔人髮骨
甚多皆每年待仙道士也

衆花之精

崔玄徽月夜有青衣引女伴曰楊氏李氏陶
氏又緋衣小女曰石醋醋又報封家十八姨
來言詞冷冷有林下風氣色皆殊絕芳香襲
人醋醋曰諸女伴皆住苑中每被惡風所撓
當得十八姨相芘處士每歲旦與作一朱旛

上圖日月五星立苑之東則免難矣今歲已
過待此月二十一日立之崔許之其日立幡
東風刮地折樹飛砂而苑中繁花不動玄徽
乃寤衆花之精醋醋乃石榴封姨乃風神也
後楊氏輩來謝各裹桃李花數斗云服之可
以却老某等亦長生至元和初玄徽猶在年
可三十許

天柱山梯仙國

房州竹山縣陰隱客家浚井千餘尺而無水

工人捫壁別一天地日月世界署牌曰天柱
山門內兩童皓齒垂髮洗足金冠問汝胡爲
至此工人具陳本末須臾有緋衣傳勅曰以
禮遣之引至清泉洗浴白泉漱飲甘美似醉
行半日有一國城宮室皆金玉城樓題云梯
仙國工人詢曰此國如何處答曰諸仙初得
仙者關送此國脩行七十萬日然後至諸天
或玉京蓬萊崑閩姑射工遂上山尋路門人
曰汝來此頃刻人間已十數年欲出舊穴應

不可得當奏請通天關鑰匙送卿歸引上天
門須臾雲開已在房州詢陰家云已三世矣
工人自後不食五穀莫知所在

上清童子

岑文本山亭避暑有叩門云上清童子元寶
奉叅冠青圓角冠衣淺青衣曰自漢得果成
本生於吳得不凝滯之道文本語以漢事了
如目睹問冠帔之異曰僕外服圓而心方正
此是上清五銖服又曰

六銖尤細者五

銖也出門數步牆下不見文本掘之一古墓
中惟得古錢二枚文本寤上清童子銅名元
寶錢文也外圓心方錢之狀也青衣銅衣也
五銖服亦錢文也漢朝所鑄也文本自是錢
帛日盛至中書令忽失古錢遂薨
舞袖弓彎

邢鳳萬居長安平康里故豪潤門曲房之地
也晝夢一美人曰此妾家也取綵牋寫陽春
曲曰長安少女踏春陽何處春陽不斷腸舞

袖弓彎渾忘却羅幃空換九秋霜

巴陵鬼詩

劉方玄夜宿巴陵古館聞家口嘯咏之聲一
老青衣曰往年阿郎貶官時令老身騎偏白
騮抱阿荆郎墜損左膊至今天陰酸疼明日
必大有今阿荆郎官高也不知有老身無昔
日阿荆郎愛念青青河畔草今日綿綿思遠
道也明日果大雨壁上有詩云爺娘送我青
楓根不記青楓幾迴落當時平軒衣上花今

日爲灰不堪著墨色甚新乃知夜來人題也

海龍王女

許漢陽真君元中舟行洪饒間日暮尋小浦
濡入行數里不覺到一湖中水纔三二尺湖
崖庭宇甚盛見數女郎飲食皆非人間見者
有一樹幹如梧桐葉如芭蕉紅花滿樹未吐
大如斗盎青衣捧一鳥如鸚鵡置闌干上一
聲而樹花皆開芳香襲人每花中有美人長
尺餘管絃悉備女郎舉酒衆樂具作夜深花

類說 卷之二十四
落便失所在一女郎作詩曰海門連洞庭每
去三千里十載一歸來辛苦瀟湘水諸女郎
曰欣此旅泊相接恨恨而別明至滬口訊之
曰昨夜溺死四人撈出其一入似活久乃言
曰海龍王諸女歸洞庭宿此取四人作酒緣
客少不多飲我却得來漢陽問客爲誰曰一
措大耳漢陽默然覺腹中不安吐出鮮血數
升方知人血爲酒三日方平

胡二姊

馬燧貧賤時寓北京謁護戎犯諱庭叱而出
燧逃郭外護戎遣鐵騎追索燧匿于逃民敗
室中見一女人曰胡二姊知君在此故來安
慰以灰數斗橫布地上曰夜半有異物相恐
切不得動過此厄後勲業無雙言畢而去果
見一夜叉赤髮金牙獐目吐火終不敢越胡
二姊之灰俄聞車馬來戶云馬生必匿於此
夜叉奮起噉食人馬殆盡而去燧乃獲免後
立大勲官爵穹崇竟不知胡二姊所在恩報

類言 卷之二十四
不及春秋祠享列於廟左右

獨異志

商較卿相

明皇幸蜀裴士淹從馬上商較卿相士淹曰
姚崇如何帝曰健者也宋璟如何曰賢而沉者
也論十數人皆當其目末問李林甫如何帝
曰妬賢嫉能古今無比士淹曰陛下何委用
之深也帝俛而無言

祖異志

人魚

侍制查道奉使高麗晚泊一山而止望見沙
中有一婦人紅裳雙袒髻鬟紛亂肘後微有
紅鬣查命水工以篙扶於水中勿令傷婦人
得水偃仰復身望查拜手感戀而沒水工曰
某在海上未省見此何物查曰此人魚也能
與人姦處水族人性也

天上碧玉樓觀

九華山樵者婦諸葛氏感時疾數日起白鼻

姑曰新婦不唯疾止復且得仙矣俄出門乘空而去又數日復回云天上樓觀皆碧玉碾成窓戶悉以珠密綴紋絲帳幔五色相照仙女行明中燃不死之香我今暫來相看俄有五色車駕雙龍力士御之女童爲從婦乘之冉冉而去

括異志

南岳赤腳仙人

樂史爲西京留臺御史嘗夢帝君詔俄見宮

闕壯麗帝曰而主求嗣吾爲擇之少選一人至帝曰中原求嗣汝往勿辭頓首祈免者再三帝曰往哉遂唯唯而去旁拱立者曰此南嶽赤腳李仙人也常酣于酒明年果生仁宗聖會宮見羽衛

聖會宮在洛陽之東

祖宗神御在焉嘉祐

八年三月二十九日晝漏盡人見羽衛陳布道中最後一人衣赭袍張黃蓋乘馬至宮前不見明日宮門大敞諸殿門鎖不鑰而啓俄

項報 仁廟上仙

曹門好

天聖明道京師市井凡物之佳美者卽曰曹門好物之高大者卽曰曹門高景祐 仁宗曹王女孫爲后王佐太祖定天下降蜀平吳將百萬之衆未嘗妄殺一人宜乎後裔之興也

醴泉觀

祥符中京師東南隅醴泉湧龜蛇見其側飲

之者疾瘳卽其地營祥源觀後灾再加繕造改號醴泉觀熙寧中薦加修飾命教坊伶人奏樂於庭是日真武影現於殿脊大珠中部從神官旗纛悉具

僕射廳

陳英公執中初以右正言謫監永州酒務一日屋楹間見金字牌書僕射廳字後果至台輔

金甲神人叱醫工

類說

卷之二十四

十

呂公弼申公之次子始申國姪娠而疾將去
之醫工陳遜煮藥將熟已二鼓坐而假寐忽
然鼎覆再煮再覆又煮而加火焉困甚就榻
夢神人披金甲持劔叱曰在胞者本朝宰相
汝何人敢加毒害遜懼而寤以白相國後生
公弼熙寧中位樞密使

汗腳襪

盛文肅公度忽疾而死越夕乃蘇云為人追
入一府見主者云同姓而誤追亟命還歸道

中見故相沈義倫曰知公得還為我語家人
頗為汗腳襪所苦文肅歸以語其孤不悟汗
腳襪之說及服除徹神坐而榻傍有敗襪究
其所自乃守靈老卒夜宿偶置于此旦起忘
之謂已亡失不復求索

彈鴟

張太寧戢方性惡鴟每挾彈逐之嘗居佛寺
有鴟巢于殿之魚尾育二雛羽翼漸成張親
彈之而斃大鴟盤空悲鳴不已太寧步庭中

一鴟下持其中一鴟攫傷其髮旬餘創潰而死

龍首山人

前進士楊通與楊寘狀元相善夢寘投刺自稱龍首山人慶曆中登第而卒後人解之曰龍首狀元也山人無祿之稱也

鬼手書草字

馬少保公亮少時臨窓獨坐閱書有大手如扇自窓伸前次夜又至公以筆濡雄黃水大

書一草字窓外大呼速爲我滌去不然禍及於汝公不聽而寢有頃怒甚索滌愈急公不應將曉哀鳴而手終不能縮且曰公將大貴我戲公何忍致我極地耶公獨不見温嶠燃犀之事乎公大悟以水滌去草字遜謝而去母死復歸

潘繼宗郎中母亡十年一日忽在堂容狀衣服宛如平昔曰可於堂西張幃幃中安二榻將與伴我一婦人息焉又云吾死亦無大過

陰官置我一室中不令他適汝既受朝封我
為縣大君乃縱出入今往生冀州磨房某人
家為女因得來此家人日具飲食唯聞七筋
聲月餘告去舉家送至郊外空中有哭泣聲
正郎鼻

徐郎中少夢神人携竹籃其中皆人鼻諦視
徐曰形相不薄但鼻曲而小吾與汝易之於
籃中擇一鼻剝去徐鼻以所擇安之頗覺痛
楚神笑曰好一正郎鼻也徐之鼻素不隆正

自爾端直歷官正郎

大驚放生

宋傅慶中舍嘗得數鼈付厨婢臠之其一甚
大婢不忍殺放之溝中踰年婢病疫煩熱將
卒昇致外舍翌日見胷脇間皆青泥詢之云
不知所自但熱差減耳家人伺之夜有大驚
自溝中被體以泥直登婢育水之其病遂愈

道士奏章

范公仲淹倅陳州時郡守母病召道士奏章

公笑曰庸人安能達章帝所耶道士秉簡伏壇終夜不動試捫其軀則僵矣五更所足微温良久謂守曰夫人壽有六年所苦勿慮守問今夕奏章何其久也曰方出天門遇放明年進士春榜觀者駢道以故稽留公問狀元何姓曰姓王二名名下一字黑塗旁注一字遠不可辯既而郡守母病平愈明春狀元乃王拱壽御筆改爲拱辰公始歎道士通神也芙蓉館主

慶曆中有朝士將曉赴朝見美女三十余人靚粧麗服兩兩並馬而行丁度觀文鞍轡於其後朝士驚曰丁素儉約何姬之衆耶有一人最後行朝士問曰觀文將宅眷何往曰非也諸女御迎芙蓉館主俄聞丁卒

張酒酒

道士張酒酒得錢卽沽酒未嘗一日不醉一旦拂衣入王屋山立而尸解

城隍廟求嗣

建州有張某無子屢禱城隍求嗣夢神告曰
汝夫婦分當無子我念汝虔禱今以廟中判
官爲嗣果生一子名伯玉舉進士第歷官正
郎典數郡而卒才藻廉勁嗜酒不修飾垢貌
蓬髮如土偶判官

費孝先籠圍

費孝先成都人取人生年月日時成卦謂之
籠圍復有卦影所畫皆唐衣冠祿位亦唐官
次豈非唐之精象者之爲歟

賊溫處斬

韓元卿爲峽州推官忽揮刃自剄喉雖斷而
未死祖擇之時爲湖北提刑同年進士也往
視之韓不能語但舉手如索紙筆狀因授之
書云賊溫分明罪宜處斬祖命取桑根線縫
其創元卿以手禡去遂卒

鼯恠

潭州樂平橋港有鼯爲恠多食人歲有溺死
者市民李姓者弟溺求屍不得因刺掌血

作章夜醮而焚之夜夢至一處若大府有數
吏鐵索繫一物長數丈如龍而一角目光如
電有頃一人下殿呼曰江鼉肆暴枉害平人
決鐵杖一百處死李某不合以掌血腥穢上
瀆高真宜付王碩決臂十五後數年王碩知
潭州李坐遺火伏罪

屠者刳羊

武弁馬仲方有餽牝羊者生一羔仲方鬻于
屠肆翌日將刳而亡其刀良久見刀于溝中

取而洗拭既又失之乃羔羊啣投溝中又以
足踐淖中使勿見屠者視之大感傷自此不
復屠羊

許偏頭

成都畫師姓許善傳神一日有貧人敝衣憔悴
來求傳神許笑曰君容狀若此而求傳焉
何也其人解布囊出黃道服鹿皮冠白玉簪
頂冠易衣危坐以手摩面則童顏矣引其鬚
應手而黑乃一美丈夫也許驚曰不知神仙

降臨道人曰君傳吾像置肆中有求售止取千錢後有識者曰此靈泉朱真人也求者輻輳許貪盡直每像輒取二千夢道人曰汝福有限不可妄取安得違吾言將促其壽也掌其左頰既寤頭遂偏自是呼為許偏頭朱真人乃朱居士名雄見唐史亦見杜光庭仙傳誤食厭物

張燾龍圖景祐初甲科登第嘗誤食犬肉夢黃衣使者追至一宮闕一道士曰何故食厭物燾曰非敢故食誤耳道士曰止此吾為汝言少選出曰可謝恩引至殿前通曰張燾誤食厭物謝再拜而寤張神骨清粹襟懷夷曠豈非仙曹之被謫者乎

湖中見船

徐禧學士舟次彭蠡湖水面白霧四起見二朱漆巨舟旌旗赫奕搖櫓者肅而不譁相去百餘丈而逝又見朱艦間以金碧相踵而去又見二白艦載甲士數千戈戟森列尾三舟

而行船遠而益小

得父石誌

祖無擇龍圖嘗倅齊州過古河灘沙中得片石上有數十字乃葬其先人之誌也遣人視墳墓無一坏之缺竟不測其從來

茅處士叱鬼

劉燁侍郎有別第在襄陽燁卒長子庫部又卒乃鬻其第爲茅處士所得夜聞呼曰庫部來俄一人頂帽從數鬼叱茅曰我第爾何敢

據速出無賈禍也凡三夕至其聲愈厲茅叱曰爾昔爲人今爲鬼矣尚恃貴氣敢爾耶若我擅居爾第宜迫我出爾子不肖不能保其先人舊廬因貨於我尚敢逐我耶言訖返叱令速出鬼遂遁去

截豕一耳

羅紹漢陽人居近五通神廟隣家歲畜一豕祀神多壞羅之藩籬紹父怒擒豕截去一耳隣人訴於神旣而生紹與其孫各無一耳又

類說 卷之二十四
公安富民見二犬交以刀斷其勢後生二子
俱闡

段谷狂吟

段谷者累舉進士後忽如狂市中謳吟云一
間茅屋尚自脩治信狂風吹連簷破碎斗拱
斜欹看傾倒墻壁作散土一堆主人翁永不
來歸後病死及葬發視但棺耳

類說卷之二十四

